

Pro Natura Grischun sustegna il Bus alpin

La Societad Bus alpin komplettescha la purschida dal traffic public en lieus, nua ch'ins riva uschiglio mo cun autos. Cun l'avertura dals davos kilometers tras in bus pon ils viagiaturs planisar lur traffic dal temp liber davent da chasa fin en la val muntagnarda isolada u fin sin l'alp en ina maniera che resguarda l'ambient. Dapi quest onn sustegna Pro Natura Grischun la Societad Bus alpin.

La Societad Bus alpin

Mintg'onn vegnan transportads en tut la Svizra circa 35 000 passagiers cun il Bus alpin. Tut en tut vegnan gestiunadas 13 purschidas da Bus alpin tras purtaders regiunals en tut la Svizra. En il chantun Grischun circulescha il Bus alpin en quatter regiuns. Lingias sco quella che maina sin l'Alp Flex u en la regiun da la Greina èn frequentadas fitg bain, entant che la Val Turos è da preschent anc in tip secret. Grazia a la rait naziunala dal Bus alpin vegn ina gestiun da minibuses percepida sin plaun naziunal. Giasts novs e vegls fan la visita ad ina regiun, sa nutreschan, pernotteschan sin il lieu e chaschunan qua tras ina pli-valur economica regiunala. Grazia al via-

di che resguarda l'ambient vegnan er anc spargnadas 100 tonnas CO₂ per onn. Da la Societad Bus alpin fan part ils purtaders naziunals Grupp svizra per las regiuns da muntogna SAB, CAS, ATA ed Auto da posta Svizra SA sco er las regiuns da commemor. Pro Natura Grischun sustegna finanzi-main la Societad Bus alpin e presta uschè ina contribuziun per render pli ecologic il traffic dal temp liber en il Grischun.

A partir da la stad 2014: Bus alpin uss er en il parc natiral Beverin

Natira e cultura sco er il segn caracteristic dal parc natiral Beverin – il capricorn – sa laschan uss experimentar a moda simpla cun la nova lingia dal Bus alpin da «Vargis-

tagn Vitg» a «Vargistagn, Tguma» sin 2340 m sur mar. La nova fermada è in punct da partenza ideal per gitas sur ils pass en la Val Stussavgia, la Valragn u la Mantogna. Uss pon ins viandar facilmain en la cuntrada da pali da muntada naziunala «Alp Anarosa» u la regiun da capricorns Alperschälli davos la Farcletta digl Lai Grand. Il Bus alpin circulescha durant la stagiun da stad dals 28 da zercladur fin ils 19 d'october duas giadas il di mintgamai las fins d'emna.

Cun il bus tar la trucletta da stgazis natirals Alp Flex

Già per la sisavla stagiun circulescha il Bus alpin en la regiun Alp Flex en il Surses. La gestiun da bus vegn amplifitgada anc ina giada per questa stagiun da stad: da nov datti tschintg colliaziuns davent da «Sur, piazza da l'auto da posta» fin tar la trucletta da stgazis natirals Alp Flex. Durant la stagiun auta circulescha il bus mintga di sin l'Alp Flex, durant la stagiun bassa la fin d'emna. L'Alp Flex tutga tar ils spazis da viver ils pli multifars da las Alps. Prada grassa e sitga s'endentescha cun il gaud da muntogna, areals da pali auta e pali bassa furman ensemen cun ils lais da muntogna in mosaic multifar da spazis da viver. L'Alp Flex sco cuntrada da pali d'impurtanza naziunala stat sut protecziun.

Grazia al viadi che resguarda l'ambient vegnan er anc spargnadas 100 tonnas CO₂ per onn.

Pro Natura Grischun mantegna divers territoris da protecziun da la natira sin l'Alp Flex. Spezialmain attractivs èn quels a l'entschatta da la stad, cur ch'els carmalan cun lur fluriziun da bleras spezias.

*Samuel Bernhard, bus alpin
Anita Wyss*

Purschidas turisticas ed uraris sco er infurmaziuns generalas:
www.busalpin.ch

L'Alp Flex - ina cuntrada da pali d'impurtanza naziunala.



Foto: Roland Gerth